

## Տ Ե Ղ Ե Կ Ա Ն Ք

**«ԱՊՀ մասնակից պետությունների տարածքներով անցնող միջազգային տրանսպորտային միջանցքների ուղղություններով տարանցիկ փոխադրումների զարգացման պայմանների մասին»  
Համաձայնագրի ստորագրման նպատակահարմարության**

«ԱՊՀ մասնակից պետությունների տարածքներով անցնող միջազգային տրանսպորտային միջանցքների ուղղություններով տարանցիկ փոխադրումների զարգացման պայմանների մասին» Համաձայնագրի նպատակը վերոնշյալ ուղղություններով միջազգային տարանցիկ փոխադրումների զարգացման բարենպաստ պայմանների ձևավորումն է ավտոմոբիլային, երկաթուղային և ջրային (ծովային, գետային) տրանսպորտի տեսակներով, ինչը խթան կհանդիսանա ազգային տրանսպորտային համակարգերի մրցունակության բարձրացման գործում:

Սույն Համաձայնագրի կնքումը բխում է ԱՊՀ մասնակից պետությունների կառավարությունների ղեկավարների խորհրդի որոշմամբ հաստատված 2008 թվականի նոյեմբերի 14-ի 2020թ. ժամանակահատվածի համար տրանսպորտային ոլորտում ԱՊՀ մասնակից-պետությունների համագործակցության առաջնահերթ ուղղություններից, 2009 թվականի նոյեմբերի 20-ի «ԱՊՀ մասնակից-պետությունների տարածքով անցնող միջազգային տրանսպորտային միջանցքների համաձայնեցված զարգացման մասին» Համաձայնագրի, ինչպես նաև 1999 թվականի հունիսի 4-ի «ԱՊՀ մասնակից պետությունների տարածքով տարանցման կարգի մասին Համաձայնագրի» դրույթներից:

Համաձայնագրի կնքումը բխում է Եվրասիական միության տարածքում միջազգային տրանսպորտային ենթակառուցվածքների հետագա զարգացմանն ուղղված միջազգային (տարանցիկ) փոխադրումների իրականացման երաշխավորության բարձրացման և անխափանելիության ապահովման կարևորությունից:

Համաձայնագրի դրույթների իրականացումը կհանգեցնի ԱՊՀ մասնակից-պետությունների տարածքներով անցնող միջազգային տրանսպորտային միջանցքների տարանցիկ ներուժի բարձրացմանը:

Միջազգային տարանցիկ ավտոմոբիլային բեռնափոխադրումների ինքնարժեքի և ժամկետների նվազեցման նպատակով Համաձայնագրի շրջանակներում կողմերը կնվազեցնեն մասնակից-պետությունների փոխադրողների կողմից միջազգային տրանսպորտային ենթակառուցվածքի օգտագործումը սահմանափակող վարչական, ֆիսկալ, տեխնիկական, մերձսահմանային խոչընդոտների բացասական ազդեցությունը:

Միևնույն ժամանակ ԱՊՀ ՄՏՄ երկաթուղային ուղիներով բեռների միջազգային տարանցիկ փոխադրումների իրականացման համար կձևավորվեն կայուն և երկարաժամկետ սակագնային պայմաններ:

Համաձայնագրի կնքումը կնպաստի արդյունավետ սակագների քաղաքականության մշակմանը, տարանցիկ փոխադրումների շուկայի ազատականացմանը, մոլտիմոդալ փոխադրումների իրականացման օպտիմալացմանը, տրանսպորտային-տեխնոլոգիական սխեմաների ձևավորմանը, լոգիստիկ տեխնոլոգիաների զարգացման նպատակով ինովացիոն տեխնոլոգիաների և ներդրումների ներգրավվածությանը, ԱՊՀ մասնակից պետությունների տարածքներում ենթակառուցվածքային օբյեկտների զարգացմանն ուղղված տարբեր ձևաչափի ներդրումային նախագծերում մասնակցությանը:

Հաշվի առնելով վերոգրյալը՝ ՀՀ տրանսպորտի, կապի և տեղեկատվական տեխնոլոգիաների նախարարությունը նպատակահարմար է գտնում «ԱՊՀ մասնակից պետությունների տարածքներով անցնող միջազգային տրանսպորտային միջանցքների ուղղություններով տարանցիկ փոխադրումների զարգացման պայմանների մասին» Համաձայնագրի ստորագրումը:

**ՀՀ տրանսպորտի, կապի և տեղեկատվական  
տեխնոլոգիաների նախարար՝**



**Վ. ՄԱՐՏԻՐՈՍՅԱՆ**